



Broj: Up.2/17
Maglaj, 17.01.2017. godine

OSNOVNI ZADACI I PROGRAMSKA ORJENTACIJA ZA RAD U 2017. GODINI

Općinsko pravobranilaštvo planira za 2017. godinu se u potpunosti angažovati na ostvarivanju svih poslova iz svoje nadležnosti koji proizilaze iz Zakona o pravobranilaštvu („Sl. novine ZDK“, broj: 12/13) i drugih zakona koji su u neposrednoj primjeni i iz kojih proističu pojedine nadležnosti Pravobranilaštva, a posebno ispunjenju obaveza upisa prava vlasništva po Zakonu o stvarnim pravima („Sl. novine FBiH“, broj: 100/13).

Za naredni period Općinsko pravobranilaštvo će svoje funkcije i aktivnosti usmjeriti na:

- preduzimanje mjera i aktivnosti u cilju zaštite imovinskih interesa Općine Maglaj , kao i subjekata koji imaju pravni subjektivitet a koji se finansiraju iz budžeta Općine Maglaj,

- poduzimanje rokom vezanih radnji koje obavezuje Zakon o stvarnim pravima radi upisa stvarnih prava na nekretninama čiji je nosilac Općina Maglaj, kao i upis javnih i općih dobara, učešće u postupcima raspolaganja nekretninama u vlasništvu Općine Maglaj bilo da je u pitanju prodaja, zamjena, uspostava prava gradjenja odnosno bilo koja zakonom propisana radnja od interesa za Općinu,

- praćenje i proučavanje društvenih odnosa koji su važni za ostvarivanje funkcije Pravobranilaštva,

- davanje sugestija i prijedloga u cilju ostvarenja i zaštite imovinskih interesa Općine Maglaj,

- obezbjedjenje materijalno-tehničkih uslova za efikasnost u rješavanju predmeta,

- saradnju Pravobranilaštva sa Kantonalnim i Federalnim pravobranilaštvom radi zaštite imovinskih interesa subjekata čije interese zastupa, razmjeni iskustava i ujednačavanje kriterija i stavova po pojedinim spornim pitanjima vezanim za primjenu zakonskih i drugih propisa, kroz uputstva Federalnog pravobranilaštva koja su shodno Zakonu o Federalnom pravobranilaštvu za Općinska pravobranilaštva obavezna,

- Pravobranilaštvo će uspostavljati potpunu suradnju sa sudskim organima, organima uprave i drugim pravnim subjektima u cilju ostvarenja funkcije koja proizilazi iz nadležnosti:

- obavljanje administrativno-tehničkih poslova iz djelokruga ovog organa, kroz poslove pisarnice ,

- u skladu sa mogućnostima Općine Maglaj , pa će se aktivno angažovati u radu na stručnim seminarima i sastancima s ciljem usavršavanja u imovinsko-pravnim oblastima radi efikasnijeg ostvarenja funkcije Općinskog pravobranilaštva.

Svi navedeni poslovi koji proističu iz zakonom utvrdjenih nadležnosti se oslanjaju na aktivnosti izvršilaca unutar ovog organa upotpunjene sa objektivnim mogućnostima.

Pravobranilaštvo će kao i do sada u koordinaciji sa Općinskim načelnikom i općinskim službama u potpunosti se angažirati na pripremanju i učešću na ročištima kod suda, učestvovanja u upravnim poslovima, uz to rješavajući dodatne raznovrsne poslove, prijema stranaka , prisustva na sjednicama i sastancima Općinskog načelnika i Općinskog vijeća, kao i obavljanja i drugih poslova .

U narednom periodu i dalje očekujemo rješavanje nametnute problematike iz oblasti radnih prava kroz okončanje sudskih i vansudskih aktivnosti, eventualna poravnanja, rad na velikom broju izvršenja u vezi neplaćanja komunalne naknade i naknade za korištenje građevinskog zemljišta, a kako je i sam postupak izvršenja dugotrajan i iscrpan, to će dodatno opterećavati ovaj organ, jer zahtijeva kontinuiran i aktivan rad po svakom prijedlogu. I dalje smo nepromijenjenog stava, da bi se poboljšao finansijski cilj koji treba da se postigne ispunjenjem obaveza fizičkih i pravnih subjekata, nadležne službe moraju blagovremeno ažurirati podatke kao i po potrebi sprovoditi rad na terenu kako bi utvrdili egzistiranje obveznika kao i animirali iste da vrše svoje uplate. Treba izbjeći vremenski diskontinuitet od momenta utvrdjivanja tj. nastanka obaveza do momenta prinudne naplate koji se ogleda u protoku više vremena, a tako bi se izbjegla naplata i putem suda. Svakako bi ažurnosti doprinijelo posjedovanje ažuriranih ličnih podataka i finansijskih računa dužnika - izvršenika kao i angažovanje Općine Maglaj na iznalaženju prostora u kojem bi zajedno sa Općinskim pravobranilaštvom trebalo osmisliti način uskladištenja zaplijenjenih stvari na ime duga kroz izvršni postupak, odnosno postupka namirenja Općine Maglaj od zaplijenjenih stvari i, na takav način, uskladištenih.

U 2017. godini očekujemo potpuno zadovoljstvo u funkcionisanju jedinstvenog organa uprave u smislu koordinacije sa Općinskim pravobranilaštvom i koordinacija Općinskog vijeća sa ovim organom na šta nas upućuju kogentne norme a u cilju zakonskog rada svih, mada će biti neophodan zajednički angažman navedenih u cilju iznalaženja najpovoljnijih rješenja koja uslovno utiču na obostran rad.

Maglaj, 17.01.2017. godine



OPĆINSKI PRAVOBRANILAC
Nermina Botonjić, dipl.pravnik

Botonjić